

En hotel migler tgi l’oter

Tenor ena retschertga dalla plattafurma da reservaziuns «Holidaycheck» dereivan gist otg digls diesch miglers hotels svizzers digl Grischun. Igl migler schizont da Surmeir, numnadamaintg igl «Schweizerhof» da Lai.

GION NUTEGN STGIER/FMR

«Holidaycheck» è ena plattafurma inter-naziunala noua tg’è pussebel da reservar per pernottar ainten en hotel. Da cum-paragler è chella plattafurma er cun otras scu per exaimpel «Booking.com» u er «Trivago» etc. Per mintga hotel èn chellas plattafurmas oz essenzialas, cuncheigl tgi cunzont giasts digl exteriour fon adiever da chellas plattafurmas. Tenor las infurmaziuns digl post da medias dall’organisaziun tertgala Hotelleriesuisse importa igl domber da reservaziuns tgi vignan fatgs sur chellas plattafurmas tutte-gna 49 %. An spezial igls hotels ainten martgeas on giasts tgi reservan lour pernottaziuns via las plattafurmas – en po pi pac vignan reservos hotels dallas destina-ziuns da vacanzas via talas plattafurmas. Tar chels vign la pre-nottaziun reservada per 59 % per telefon, e-mail, formular u di-rect sur la pagina d’in-ternet digl hotel.

Gio per la 20avla geda
Igl èn ossa gio 20 onns tgi la plattafurma «Holi-daycheck» premiescha globalmaintg igls hotels igls pi populars. Chest onn èn neidas examina-das sin tut il mund 837 700 valetaziuns e re-tschet persiva en premi u detg oter en award on 685 hotels ainten 35 teras. Tranter oter èn er nias premiias igls diesch pi populars hotels dalla Svizra. Scu gio igls davos onns on valia er actual-maintg angal las taxaziuns digls giasts, tg’èn neidas fatgas pigls hotels sin la plat-tafurma. Per neir an dumonda pigl premi 2025 da «Holidaycheck» on igls ho-tels gia da retschever aglmanc 50 valeta-ziuns, chegl digl 1. da december 2023 anfignen igls 30 da november 2024. Ul-



^ Magnan la tgesa da quatter steilas plus: (da san.) Jamie Rizzi, Michelle Juker, Claudia Züllig ed Andreas Züllig.
< Gio onns egn digls miglers hotels an Svizra: igl Schweizerhof a Lai.

FOTOS MAD

tra da chegl on igls hotels er gia d’aveir aglmanc 90 % digls giasts tg’on consiglia da far vacanzas u pernottar ainten chels hotels.

Adegnapuspe alla testa digls schinumnos rankings
Gio decennis egna dallas miglras adres-sas è igl hotel Schweizerhof a Lai. La tge-sa ò ena tradiziun da 120 onns e siva da passa 30 onns magnan *Andreas* e *Claudia*

tschet adegna puspe premis per igl sies hotel. Tar schinumnos rankings è igl hot-el Schweizerhof adegna puspe rango tranter igls miglers, gist schi sa tracta da hotels per famiglias.
Tar la rangaziun actuala da «Holi-daycheck» figurescha igl hotel Schwei-zerhof segl ampren plaz digls diesch miglers hotels dalla Svizra. Avant en onn anc sen plaz quatter e chest onn da-mai alla testa dalla rangaziun. Fascinos

seian igls giasts cunzont dallas tgombras andrizzadas cun bler stil modern, en scharm alpin e cun bler’amour per min-tga pitschen detagl. Ultra da chegl lodan e taxeschan igls giasts fitg ferm la part da spa e da wellness cun ena grondezza da 1 500 meters quadrats.
Da menziunar è tgi igls davos decen-nis on *Andreas* e *Claudia Züllig* fatg ade-gna puspe investiziuns pi grondas aint igl hotel, tot chegl pigl bagn digls giasts. Re-marcabel è er tgi ainten la tgesa da quat-ter steilas lavouran siva da ples onns igls madems collaboratours e las mademas collaboratouras. Alla front operativa digl travagl èn ossa siva da prest dus onns *Michelle Juker* e *Jamie Rizzi*, cun tgirar

Andreas e *Claudia Züllig* anc pi fitg lour blers giasts fidevels ed er oters.

En ulteriour hotel surmiran sot igls top 10
Per l’amprema geda figurescha igl hotel Maistra da Puntraschigna ainten la ranga-ziun da «Holidaycheck». L’avertura da chel hotel è stada igl aton 2023 ed igl bietg è nia construia tenor igls plans da *Gion. A. Caminada*, igl architect da renom da Vrin. Chel hotel cun 36 tgombras e ples suitas è rango sen plaz treis. Da Surmeir sa catta betg angal igl hotel Schweizerhof sot igls top diesch, mabagn er igl hotel Guarda Val a Lai, ena tgesa fitg singulara cun ena fitg bunga cuschigna.

Remplazzà il clavazin da Spleia

Perquai che il clavazin tar la fermada da posta da Spleia è vegnì en ils onns, è el vegnì remplazzà il december passà. La chasa da musica Hug da Turitg ha regalà a Spleia in clavazin d’occasiun.

RTR/FMR

Dapi quatter onns datti en la staziun da l’auto da posta a Spleia in clavazin. Quel na tunava dentant betg pli bain. Cun agid d’in messaadi sin las plattafurmas socialas è il post da cultura da la vischmanca per-quai i a la tschertga dad in remplazzament.
In sponsur saja spert stà chattà, ha ex-plitgà *Luisa Baselgia* da quel post ad RTR. «Bliers èn s’annunziads, ed a la fin ha la chasa da musica Hug da Turitg offri in’occasiun dad in clavazin inclusivai-main pajà il transport.» L’entschatta da december èsi lura stà uschè lunsch: Il cla-vazin è vegnì remplazzà.

Indigens e scholars han plaschair
Tar ina visita che RTR ha fatg tar la sta-ziun da l’auto da posta visavi da la scola, han indigens ditg ch’els fetschian min-tgatant ina pausa tar il clavazin per sunar in pèr tuns. Ina scolara primara cun num *Ladina* ha ditg ch’ella haja grond pla-schair da sunar il clavazin. Adina cur ch’i saja pussaivel sunia ella qua, cura ch’ella spetgia l’auto da posta per ir a Medel Val-ragn. Ma il mument saja qua in pau fraid per star a sunar, nanegia ella.
Sco quai che *Luisa Baselgia* ha ditg, è il clavazin ina grond’attracziun a Spleia. I dettia schizunt passagiers da l’auto da posta che fetschian in stop supplemen-tar a Spleia per sunar intgins tocs sin il clavazin.



Luisa Baselgia cun ils dus frars Mengelt da Spleia ch’han grond plaschair dal nov cla-vazin d’occasiun.



La chasina da l’auto da posta.



Fin oz n’era vandalissem nagin problem.

FOTOS RTR